

16 февраля 2026. Попразд. Сретения Господня. Правв. Симеона Богоприимца и Анны Пророчицы

Утренняя (приходская)

Священник, начиная каждение у престола:

Благословен Бог наш, всегда, ныне и присно и во веки веков.

Чтец: Аминь. Приидите, поклонимся Царю нашему Богу.

Приидите, поклонимся и припадём Христу, Царю нашему Богу.

Приидите, поклонимся и припадём Самому Христу, Царю и Богу нашему.

Чтец читает двупсалмие; в это время священник совершает полное каждение храма.

Псалом 19

Услышит тя Господь в день печали, защитит тя имя Бога Иаковля. Послет ти помощь от Святого и от Сиона заступит тя. Помянет всяку жертву твою, и всесожжение твое точно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь христа Своего, услышит его с Небес Святого Своего, в силах спасение десницы Его. Сии на колесницах и сии на конях, мы же во имя Господа Бога нашего призовём. Тии спяти быша и падоша, мы же востанем и исправимся. Господи, спаси царя и услыши ны, воньже аще день призовём Тя.

Псалом 20

Господи, силою Твоею возвеселится царь и о спасении Твоём возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дней во век века. Велия слава его спасением Твоим, славу и велелепие возложиши на него. Яко даси ему благословение во век века, возвеселиши его радостью с лицом Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящая Тебе. Яко

16 февраля 2026. Попразд. Сретения Господня. Правв. Симеона Богоприимца
и Анны Пророчицы

положиши их, яко пещь огненную во время лица Твоего; Господь гневом Своим смятёт я, и снес их огонь. Плод их от земли погубиши, и семя их от сынов человеческих. Яко уклониша на Тя злая, помыслиша советы, ихже не возмогут составить. Яко положиши я хребет, во избытцах Твоих уготовиши лице их. Вознесися, Господи, силою Твоею, воспоём и поём силы Твоя.

Слава Отцу и Сыну и Святому Духу, и ныне и присно и во веки веков. Аминь.

Святой Боже, Святой Крепкий, Святой Безсмертный, помилуй нас *(трижды)*.

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй *(трижды)*.

Слава Отцу, и Сыну, и Святому Духу, и ныне, и присно, и во веки веков. Аминь.

Отче наш, Иже еси на Небесах! Да святится имя Твое, да придет Царствие Твое, да будет воля Твоя, яко на Небесах, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила, и слава, Отца, и Сына, и Святого Духа, ныне и присно, и во веки веков.

Чтец: Аминь.

Чтец: Спаси, Господи, люди Твоя и благослови достояние Твое: победы на сопротивных даруя, и Твое сохраняя Крестом Твоим жительство.

Слава Отцу и Сыну и Святому Духу.

Вознесиися на Крест волею, тезоименитому Твоему новому жительству щедроты Твоя даруй, Христе Боже; возвесели нас силою Твоею, победы дай нам на сопостаты, пособие имущим Твое оружие мира – непобедимую победу.

И ныне и присно и во веки веков. Аминь.

Предстательство страшное и непостыдное, не презри, Благая, молитв наших, Всепетая Богородице; утверди православных жительство, спаси

16 февраля 2026. Попразд. Сретения Господня. Правв. Симеона Богоприимца
и Анны Пророчицы

вѣрныя лю́ди Твоя́ и пода́ждь им с Небесѣ побѣду; занѣ родила́ еси́ Бóга,
еди́на Благословѣнная.

Ектенія сугубая

Священник: Помилуй нас, Бóже, по вели́цей мѣлости Твое́й, молим Ти ся,
услыши и помилуй.

Лик: Гóсподи, помилуй *(трижды)*.

Священник: Ещѣ мо́лимся о Вели́ком Господѣне и отцѣ на́шем, Святѣйшем
Патри́архе Кири́лле, и о всей во Христѣ бра́тии на́шей.

Лик: Гóсподи, помилуй *(трижды)*.

Священник: Ещѣ мо́лимся о Богохранѣмѣй странѣ на́шей, властѣх и во́инстве
ея́, да тѣхое и безмо́лвное житиѣ поживѣм во вся́ком благочѣстии и чистотѣ.

Лик: Гóсподи, помилуй *(трижды)*.

Священник: Ещѣ мо́лимся за всю бра́тию и за вся христи́аны.

Лик: Гóсподи, помилуй *(трижды)*.

Священник: Яко Мѣлостив и Человеколю́бец Бог еси́, и Тебѣ сла́ву возсы-
ла́ем, Отцú и Сы́ну и Свято́му Дúху, ны́не и прѣсно и во вѣки веко́в.

Лик: Амѣнь. **Именем Господним благослови́, óтче.**

Священник: Сла́ва Святѣй, и Единосу́щней, и Животворя́щей, и Нераздѣльной
Тро́ице всегдá, ны́не и прѣсно и во вѣки веко́в.

Лик: Амѣнь.

Шестопсалмие

*И начинаем шестопсалмие, слушая со всяким молчанием и умилением; чита-
ющий же брат с благоговением и страхом Божиим произносит:*

Чтец: Слава в вѣшних Бóгу, и на землѣи мир, в челове́цах благово́ление.
(Трижды)

Гóсподи, устне́ мои́ отвѣрзеши, и уста́ моя́ возвестя́т хвалу́ Твою́. *(Два-
жды)*

Псалом 3

Гóсподи, что ся умно́жиша стужа́ющии ми? Мно́зи востаю́т на мя, мно́зи
глаго́лют души́ мое́й: несть спасѣния ему́ в Бóзе его́. Ты же, Гóсподи, За-

16 февраля 2026. Попразд. Сретения Господня. Правв. Симеона Богоприимца
и Анны Пророчицы

стѹпник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты поразил еси вся враждующыя ми всуе: зѹбы грешников сокрушил еси. Господне есть спасение, и на людех Твоих благословение Твое.

Аз уснух и спях; востах, яко Господь заступит мя.

Псалом 37

Господи, да не яростию Твоею обличиши мене, ниже гневом Твоим накажешу мене. Яко стрелы Твоя унзюша во мне, и утвердил еси на мне руку Твою. Нестъ исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возсмердеша и согниша раны моя от лица безумия моего. Пострадах и слякохся до конца, весь день сетуя хождях. Яко лядвия моя наполнися поруганий, и несть исцеления в плоти моей. Озлоблен бых и смирихся до зела, рыках от воздыхания сердца моего. Господи, пред Тобою все желание мое и воздыхание мое от Тебе не утайся. Сердце мое смятеса, остави мя сила моя, и свет очию моею, и той несть со мною. Друзи мои и искреннии мои прямо мне приближишася и сташа, и ближнии мои отдалече мене сташа и нуждахуся ищущи душу мою, и ищущи злая мне глаголаху суетная и льстивным весь день поучахуся. Аз же яко глух не слышах и яко нем не отверзаяй уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мои: и внигда подвижатися ногам моим, на мя велеречеваша. Яко аз на раны готов, и болезнь моя предо мною есть вина. Яко беззаконие мое аз возвещу и попечуся о гресе моем. Врази же мои живут и укрепятся паче мене, и умножишася ненавидящии мя без правды. Воздающии ми злая возблагая оболгаху мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

Псалом 62

Боже, Боже мой, к Тебе утреню, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явихся Тебе, видети силу Твою и славу Твою. Яко лучши милость Твоя

16 февраля 2026. Попразд. Сретения Господня. Правв. Симеона Богоприимца
и Анны Пророчицы

пáче живóт, устнé мой похвалíte Тя. Тáко благословлю́ Тя в животé моём, о имени Твоём воздежу́ рúце мой. Яко от тúка и мáсти да испóлнится душá моя, и устнáма рáдости восхва́лят Тя устá моя. А́ще поминáх Тя на постéли моёй, на úтренних поучáхся в Тя. Яко был еси́ помóщник мой, и в крóве крилу́ Твоёю возра́дуюся. Прильпé душá моя по Тебé, менé же прият десни́ца Твоя́. Тíи же всúе иска́ша дúшу мою, вни́дут в преиспóдня земли́, преда́ются в рúки ору́жия, чáсти лísовом бúдут. Царь же возвеселíтся о Бóже, похва́лится всяк кленýйся Им, я́ко заградíшася устá глаго́лющих непра́ведная.

На úтренних поучáхся в Тя, я́ко был еси́ Помóщник мой, и в крóве крилу́ Твоёю возра́дуюся.

Прильпé душá моя по Тебé, менé же прият десни́ца Твоя́.

Слáва Отцú, и Сы́ну, и Свято́му Дúху, и ны́не, и прísно, и во вéки веко́в. Амíнь.

Аллилу́ия, аллилу́ия, аллилу́ия, слáва Тебé, Бóже. *(Трижды, без поклонов)*

Господи помилуй *(трижды)*.

Слáва Отцú, и Сы́ну, и Свято́му Дúху, и ны́не, и прísно, и во вéки веко́в. Амíнь.

Псалом 87

Гóсподи Бóже спасéния моего́, во дни воззва́х, и в но́щи пред Тобóю. Да вни́дет пред Тя моли́тва моя́: приклони́ úхо Твоё к молéнию моему́, я́ко испóлнится зол душá моя, и живóт мой аду прибли́жися. Привменён бых с низходя́щими в ров, бых я́ко человек без по́мощи, в мёртвых свобóдь, я́ко я́звеннии спя́щии во грóбе, íхже не помяну́л еси́ ктому́, и тíи от рукí Твоея́ отринóвени бы́ша. Положи́ша мя в рóве преиспóднем, в тёмных и сéни смёртней. На мне утверди́ся я́рость Твоя́, и вся во́лны Твоя́ навёл еси́ на мя. Уда́лил еси́ зна́емых мо́их от менé, положи́ша мя мёрзость себе́: пре́дан бых и не исхожда́х. Очи мой изнемогóсте от нищеты́, воззва́х к Тебé, Гóсподи, весь день, воздéх к Тебé рúце мой. Еда́ мёртвыми твори́ши чудеса́? Или́ врачеве воскреся́т, и исповéдятся Тебé? Еда́ пове́сть кто во грóбе ми́лость Твою́, и íстину Твою́ в погíбели? Еда́ познáна бúдут во тьме чудеса́ Твоя́, и пра́вда Твоя́ в земли́ забвённой? И аз к Тебé, Гóсподи, воззва́х и úтро моли́тва моя́ предварíт Тя. Вскúю, Гóсподи, отрéеши дúшу мою́, отвращáеши лице́ Твоё от менé? Нищ есмь аз, и в трудéх от ю́ности моея́; вознёс же ся, смири́хся, и изнемогóх. На мне преидóша гнёви Твои́, устрашéния Твоя́ возмутíша мя, обыдо́ша мя я́ко во-

16 февраля 2026. Попразд. Сретения Господня. Правв. Симеона Богоприимца
и Анны Пророчицы

да́, весь день одержáша мя вку́пе. Уда́лил еси́ от мене́ дру́га и искренняго,
и зна́емых моих от страстéй.

Господи́ Бóже спасéния моего́, во дни воззвáх и в но́щи пред Тобо́ю. Да
вни́дет пред Тя моли́тва моя́, приклони́ у́хо Твое́ к молéнию моему́.

Псалом 102

Благослови́, душе́ моя́, Господа́, и вся вну́тренняя моя́ и́мя святое́ Его́.
Благослови́, душе́ моя́, Господа́, и не забывáй всех воздая́ний Его́, очи-
ща́ющего вся беззакóния тво́я, исцеля́ющего вся недúги тво́я, избавля́ю-
щего от истлéния живóт твой, венча́ющего тя мило́стию и щедрóтами, ис-
полня́ющего во благихъ желáние твоё: обновítся я́ко орля́ юность тво́я.
Твори́й мило́стыни Господь, и судьбу́ всем обидимым. Сказа́ пути́ Сво́я
Моисéови, сыновóм Изра́иловым хотéния Сво́я: щедр и мило́стив
Господь, долготерпели́в и многомило́стив. Не до концá прогнéвается, ни-
же во век враждúет, не по беззакóнием нáшим сотвори́л есть нам, ниже́ по
грехóм нáшим воздалъ есть нам. Я́ко по высотé небéсней от земли́,
утверди́л есть Господь мило́сть Сво́ю на боя́щихся Его́. Ели́ко отстоя́т
восто́цы от за́пад, уда́лил есть от нас беззакóния нáша. Я́коже щедрит
оте́ц сы́ны, ущéдри Господь боя́щихся Его́. Я́ко Той позна́ создáние нáше,
помяну́, я́ко персть есмь. Человéк, я́ко трава́ дние́ его́, я́ко цвет сéльный,
та́ко оцветéт, я́ко дух прóйде в нем, и не бúдет, и не позна́ет ктому́ мéста
своего́. Мило́сть же Господня́ от вéка и до вéка на боя́щихся Его́, и прáвда
Его́ на сынéх сынóв, храня́щих заветъ́ Его́, и по́мнящих за́поведи́ Его́ тво-
ри́ти я́. Господь на небеси́ угото́ва престóл Сво́й, и Цáрство́ Его́ все́ми об-
лада́ет. Благослови́те́ Господа́ вси́ А́нгели́ Его́, си́льнии крéпостию, тво-
ря́щи слóво Его́, услы́шати гласъ́ словéс Его́. Благослови́те́ Господа́ вся
си́лы Его́, слуги́ Его́, твори́щи во́лю Его́. Благослови́те́ Господа́ вся делá
Его́, на вся́ком мéсте влады́чества́ Его́, благослови́, душе́ моя́, Господа́.

На вся́ком мéсте влады́чества́ Его́, благослови́, душе́ моя́, Господа́.

Псалом 142

Господи́, услы́ши моли́тву мою́, внуши́ молéние моё́ во и́стине Твое́й,
услы́ши мя в прáвде Твое́й и не вни́ди в суд с рабóм Твои́м, я́ко не оправ-
дítся пред Тобо́ю всяк живы́й. Я́ко погна́ враг дúшу мою́, смири́л есть в
зёмлю живóт мой, посади́л мя есть в тёмныхъ, я́ко мёртвыя вéка. И уны́ во
мне́ дух мой, во мне́ смятéся сёрдце моё́. Помяну́х дни дрéвния, поучи́хся
во всехъ дéлехъ Твои́х, в творéнияхъ руку́ Твое́ю поуча́хся. Воздéх к Тебé́ ру-
це́ мой, душа́ моя́, я́ко земля́ безводная́ Тебé́. Скóро услы́ши мя, Господи́,
исчезé дух мой, не отврати́ лица́ Твоего́ от мене́, и уподóблюся низхо-

16 февраля 2026. Попразд. Сретения Господня. Правв. Симеона Богоприимца
и Анны Пророчицы

дѣющим в ров. Слышану сотвори мне завтра милость Твою, яко на Тя упо-
вах. Скажи мне, Господи, путь вонже пойду, яко к Тебе взях душу мою.
Изми мя от враг моих, Господи, к Тебе прибегах. Научи мя творити волю
Твою, яко Ты еси Бог мой. Дух Твой благий наставит мя на землю праву.
Имене Твоего ради, Господи, живиши мя, правдою Твоею изведеши от
печали душу мою. И милостию Твоею потребиши враги моя и погубиши
вся стужающыя души моей, яко аз раб Твой есмь.

Услыши мя, Господи, в правде Твоей, и не вниди в суд с рабом Твоим.

Услыши мя, Господи, в правде Твоей, и не вниди в суд с рабом Твоим.

Дух Твой Благий наставит мя на землю праву.

Слава Отцу, и Сыну, и Святому Духу, и ныне, и присно, и во веки веков.
Аминь.

Аллилуия, аллилуия, аллилуия, слава Тебе, Боже. *(Трижды)*

Ектения великая

Диакон: Миром Господу помолимся.

Лик: Господи, помилуй. *(на каждое прошение)*

Диакон: Заступи, спаси, помилуй и сохрани нас, Боже, Твоею благодатью.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Присно-
деву Марию со всеми святыми помянувши, сами себе и друг друга, и весь живот наш Христу Богу пре-
дадим.

Лик: Тебе, Господи.

Священник: Яко подобает Тебе всякая слава, честь и поклонение, Отцу, и Сыну, и Святому Духу,
ныне и присно, и во веки веков.

Лик: Аминь.

«Бог Господь»

Диакон: Бог Господь, и явися нам, благословен Грядый во имя Господне.

Стих 1: Исповедайтесь Господеву, яко Благ, яко в век милость Его.

Глас 1: Бог Господь, и явися нам, благословен Грядый во
имя Господне.

Стих 2: Обышедше обыдоша мя, и именем Господним противляхся им.

Лик: Бог Господь, и явися нам, благословен Грядый во имя Господне.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Стих 3: Не умру́, но жив б́уду, и повём делá Господ́ня.

Лик: Бог Господ́ь, и яв́ися нам, благословён Гряд́ый во й́мя Господ́не.

Стих 4: Ка́мень, Егóже небрегóша з́ждущии, Сей бысть во глав́у у́гла, от
Гóспода бысть Сей, и есть д́ивен во очесéх нáших.

Лик: Бог Господ́ь, и яв́ися нам, благословён Гряд́ый во й́мя Господ́не.

Тропа́рь Срётения

Глас 1: Ра́дуйся, Благодáтная Богорóдице Дéво,/ из Тебé бо
возсия́ Сóлнце Пра́вды, Христóс, Бог наш,/ просвещáяй сý-
щия во тьме./ Весел́ися и ты, стáрче пра́ведный,/ приёмый
во объ́ятия Свобод́ителя душ нáших,/ дáрующего нам
воскресéние.

Слáва Отц́у, и Сýну, и Святóму Д́уху, и ны́не, и пр́сно, и во
вéки векóв. Амíнь.

Тропа́рь Срётения

Глас 1: Ра́дуйся, Благодáтная Богорóдице Дéво,/ из Тебé бо
возсия́ Сóлнце Пра́вды, Христóс, Бог наш,/ просвещáяй сý-
щия во тьме./ Весел́ися и ты, стáрче пра́ведный,/ приёмый
во объ́ятия Свобод́ителя душ нáших,/ дáрующего нам
воскресéние.

Лик: Гóсподи, помíлуй. **(Трижды)** Слáва Отц́у и Сýну и Свя-
тóму Д́уху.

Чтец: И ны́не и пр́сно, и во вéки векóв. Амíнь.

Кафизма 4

Псалом 25

Судí ми, Гóсподи, я́ко аз незлóбою моéю ходíх, и на Гóспода упováя, не
изнемоѓу. Иску́си мя, Гóсподи, и испыта́й мя, разжзи́ утробы́ моя́, и сёрд-
це моé. Я́ко мíлость Твоя́ пред очíма мо́има есть, и благоугоди́х во й́сти-

16 февраля 2026. Попразд. Сретения Господня. Правв. Симеона Богоприимца
и Анны Пророчицы

не Твоей. Не седох с сонмом суетным, и со законопреступными не вниду. Возненавидех церковь лукавующих, и с нечестивыми не сяду. Умью в неповинных рuce мой, и обыду жертвенник Твой, Господи. Еже услышати ми глас хвалы Твоея, и поведати вся чудеса Твоя. Господи, возлюбих благолепие дому Твоего и место селения славы Твоея. Да не погубиши с нечестивыми душу мою, и с мужи кровей живот мой. Ихже в руку беззакония, десница их исполнися мзды. Аз же незлобою моею ходих, избави мя, Господи, и помилуй мя. Нога моя ста на правоте: в церквах благословлю Тя, Господи.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 28

Принесите Господеву сынове Божи, принесите Господеву, сыны овни, принесите Господеву славу и честь. Принесите Господеву славу имени Его, поклонитесь Господеву во дворе святем Его. Глас Господень на водах, Бог славы возгремел, Господь на водах многих. Глас Господень в крепости, глас Господень в великолепии. Глас Господа, сокрушающего кедры, и стрьет Господь кедры ливанския: и истнит я яко тельца ливанска, и возлюбленный яко сын единорожь. Глас Господа, пресекающего пламень огня. Глас Господа, стрясаящего пустыню, и стрясет Господь пустыню Каддийскую. Глас Господень свершающий елени, и открыет дубравы, и в храме Его всякий глаголет славу. Господь потоп населяет, и сядет Господь Царь в век. Господь крепость людем Своим даст, Господь благословит люди Своя миром.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 31

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Блаже́ни, ихже оста́вишася беззако́ния и ихже прикрѣ́шася греси́. Блаже́н муж, ему́же не вменѣ́тъ Госпо́дь греха́, ниже́ есть во устѣ́х его́ лести́. Яко́ умолча́х, обетша́ша ко́сти моя́, от е́же зва́ти ми весь день. Яко́ день и ночь отяго́те на мене́ рука́ Твоя́, возврати́хся на страсть, егда́ унзе́ ми терн. Беззако́ние мое́ позна́х и греха́ моего́ не покрѣ́х, рех: испове́м на мя беззако́ние мое́ Господеви, и Ты оста́вил еси́ нече́стие се́рдца моего́. За то помóлится к Тебе́ всяк преподо́бный во вре́мя благопотре́бно: о́баче в пото́пе вод мно́гих к нему́ не прибли́жатся. Ты еси́ прибе́жище мое́ от ско́рби обдержа́щая мя: ра́досте моя́, изба́ви мя от обыше́дших мя. Вразумлю́ тя и наста́влю тя на путь сей, во́ньже по́йдеша, утвержу́ на тя о́чи Мои́. Не бу́дите яко́ конь и меск, имже́ несть ра́зума: брозда́ми и уздо́ю че́люсти их востя́гнеши, не прибли́жающихся к тебе́. Мно́ги ра́ны грешно́му, упова́ющаго же на Го́спода ми́лость о́бидет. Веселѣ́тесь о Го́споде, и ра́дуйтесь, пра́веднии, и хвалѣ́тесь, вси пра́вии се́рдцем.

Чтец: Сла́ва Отцу́ и Сы́ну и Свято́му Ду́ху, и ны́не и прѣ́сно, и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Ектения малая

Диакон: Па́ки и па́ки, ми́ром Го́споду помóлимся.

Лик: Го́споди, помѣ́луй.

Диакон: Заступи́, спаси́, помѣ́луй и сохрани́ нас, Бо́же, Твое́ю благода́тию.

Лик: Го́споди, помѣ́луй.

Диакон: Пресвяту́ю, Пречи́стую, Преблагослове́нную, Сла́вную Владѣ́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себѣ́ и друг дру́га, и весь живóт наш Христу́ Бо́гу преда́дим.

Лик: Тебе́, Го́споди.

Священник: Яко́ Твоя́ держа́ва, и Твое́ есть ца́рство, и си́ла, и сла́ва, Отца́ и Сы́на и Свята́го Ду́ха, ны́не, и прѣ́сно, и во ве́ки веко́в.

Лик: Ами́нь.

Седален по 1-ом стихословии

Чтец: В це́рковь прине́слся еси́, Жизнь вся́ческих,/ мене́ ра́ди младе́нствовав,/ под зако́ном был еси́,/ дрѣ́вле начертáв на скрижа́лех зако́н на горе́ Сина́йстей,/ да вся измени́ши от зако́нныя дрѣ́вняя рабо́ты./ Сла́ва

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Благоутробию Твоему, Спасе,/ слава Царствию Твоему,/ слава смотре-
нию Твоему,/ Еди́не Человеколю́бче.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в.
Ами́нь.

В це́рковь принёслся еси́, Жизнь всяческих,/ мене́ ра́ди младе́нствовав,/ под за́коном был еси́,/ дре́вле начертáв на скрижа́лех за́кон на горе́ Си-
на́йстей,/ да вся измени́ши от за́конныя дре́вняя рабо́ты./ Сла́ва Благо-
утробию Твоему́, Спасе,/ сла́ва Царствию Твоему́,/ сла́ва смотре́нию Тво-
ему́,/ Еди́не Человеколю́бче.

Лик: Го́споди, поми́луй. **(Трижды)** Сла́ва Отцу́ и Сы́ну и Свя-
то́му Ду́ху.

Чтец: И ны́не и прісно, и во ве́ки веко́в. Ами́нь.

Кафизма 5

Псалом 32

Ра́дуйтеся, пра́веднии, о Го́споде, пра́вым подобáет похвалá. Испове́дайтесь Го́сподеви в гу́слех, во псалти́ри десятистру́ннем по́йте Ему́. Воспо́йте Ему́ песнь но́ву, до́бре по́йте Ему́ со восклицáнием: я́ко пра́во сло́во Господне, и вся дела́ Его́ в ве́ре. Лю́бит ми́лостыню и суд Господь, ми́лости Господни испо́льнъ земля́. Сло́вом Господним небеса́ утверди́шася, и ду́хом уст Его́ вся си́ла их. Собира́яй я́ко мех во́ды морскія, полага́яй в сокрови́щах бездны. Да убой́тся Го́спода вся земля́, от Него́же да подви́жутся вси живу́щии по вселенней. Я́ко Той рече́, и бы́ша, Той пове́ле, и созда́шася. Господь разоря́ет советы́ язы́ков, отме́тает же мы́сли люде́й, и отме́тает советы́ князе́й. Совет же Господень во век пребывáет, помышле́ния се́рдца Его́ в род и род. Блаже́н язы́к, ему́же есть Господь Бог его́, лю́ди, я́же избра́ в насле́дие Себе́. С небесе́ призре́ Господь, ви́де вся сы́ны челове́чeskія. От гото́ваго жили́ща Своего́ призре́ на вся живу́щыя на земли́. Созда́вый на еди́не се́рдца их, разумева́яй на вся дела́ их. Не спаса́ется царь мно́гою си́лою, и испо́лин не спаса́ется мно́жеством крѣпости своея́. Лож конь во спаса́ние, во мно́жестве же си́лы своея́ не спаса́ется. Се о́чи Господни на боя́щыяся Его́, упова́ющыя на ми́лость Его́. Изба́вити от сме́рти ду́шы их, и препита́ти я́ в глад. Душа́ же на́ша ча́ет Го́спода, я́ко помо́щник и защи́титель наш есть. Я́ко о Нем возвесели́тся се́рдце на́ше, и во и́мя свято́е Его́ упова́хом. Буди, Го́споди, ми́лость Твоя́ на нас, я́коже упова́хом на Тя.

Чтец: Сла́ва Отцу́ и Сы́ну и Свято́му Ду́ху.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 33

Благословлю Господа на всякое время, вину хвалю Его во устех моих. О Господе похвалится душа моя, да услышат кратцыи и возвеселятся. Возвеличите Господа со мною и вознесем имя Его вкупе. Взысках Господа и услыша мя, и от всех скорбей моих избави мя. Приступите к Немю и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповает на Него. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающие же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живот, любяй дни видети блага? Удержи язык твой от зла, и устне твои, еже не глаголати лести. Уклонися от зла и сотвори благо. Взыщи мира, и пожен и. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Возваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренных духом спасет. Многи скорби праведным, и от всех их избавит я Господь. Хранит Господь вся кости их, ни единая от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси, уповающие на Него.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 35

Бог ста в сонме богов, посреде же боги разсудит. Доколе судите неправду, и лица грешников приемлете? Судите сиру и убогу, смирена и нища

16 февраля 2026. Попразд. Сретения Господня. Правв. Симеона Богоприимца
и Анны Пророчицы

оправдайте. Измите нища и убога, из руки грешничи избавите его. Не познаша, ниже уразумеша, во тьме ходят: да подвижатся вся основания земли. Аз рех: бози есте, и сынове Вышняго вси. Вы же яко человецы умираете, и яко един от князей падаете. Воскресни, Боже, суди земли: яко Ты наследуши во всех языцех.

Чтец: Слава Отцу и Сыну и Святому Духу, и ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)**

Ектения малая

Диакон: Паки и паки, миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Седален по 2-ом стихословии

Чтец: Во храм принеслся еси, обычная исполняя, / Творец, и Владыка, и закона Датель, Спасе, / и на руках Симеона благоволением Твоим носиться плотию, / Иже всем страшный и всю тварь содержи, / восхотел еси, Едины Щедре, / свет Твой всем открыти нам.

Слава Отцу, и Сыну, и Святому Духу, и ныне, и присно, и во веки веков. Аминь.

Во храм принеслся еси, обычная исполняя, / Творец, и Владыка, и закона Датель, Спасе, / и на руках Симеона благоволением Твоим носиться плотию, / Иже всем страшный и всю тварь содержи, / восхотел еси, Едины Щедре, / свет Твой всем открыти нам.

Лик: Господи, помилуй. **(Трижды)** Слава Отцу и Сыну и Святому Духу.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Чтец: И ныне и присно, и во веки веков. Аминь.

Псалом 50

Помилуй мя, Бóже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю и грех мой предо мною есть вина. Тебе Единому согреших, и лукавое пред Тобою сотворих, яко да оправдишися во словесах Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся, омиеши мя, и паче снега убелюся. Слуху моему даши радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Бóже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от крове, Бóже, Бóже спасения моего, возрадуется язык мой правде Твоей. Господи, устне мои отверзеш, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Бóгу дух сокрушен, сердце сокрушено и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая: тогда возложат на олтарь Твой тельцы.

Канон

Песнь 1

Канон Сретения. Глас 3.

Ирмос, глас 3: Сүшу глубородительную землю/ солнце нашеествова иногда:/яко стена бо, огусте обаполы вода/ людем пешомореходящим и Богоугодно поющим:// пойм, Господеви, славно бо прославися.

Припев: Слава Тебе, Бóже наш, слава Тебе.

Да каплют воду облацы,/ Солнце бо, на облаце легце носимо, настало есть,/ на нетленную руку, Христос в церкви яко Младенец./ Темже, вернии, возопийм:/ пойм Господеви, славно бо прославися.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Канон праведнаго Симеона Богоприимца. Глас 4.

Припев: Святы́й праведный Симеоне, моли́ Бо́га о нас.

В праведных селениях радостно водворяяся Праведнаго Господа,/ Симеоне праведный,/ иже Божественное твоё совершающия преставление/
оправдати моли́, преблаженне.

Трипёснец в понедельник сырной седмицы. Глас 1.

Припев: Сла́ва Тебе́, Бо́же наш, сла́ва Тебе́.

Светлая предпразднства воздержания, светлая предпутия поста́ днесь.
Тёмже стецёмся в надежде братие, и усердии мнозем.

Припев: Сла́ва Тебе́, Бо́же наш, сла́ва Тебе́.

Адаму праотцу преступлением поревновав, изгнан бых от сладости ока-
янный. Тёмже припадаю Ти в покаянии и плачи: Господи, спаси́ мя.

Ин трипёснец в понедельник сырной седмицы. Глас 1. На 2.

Припев: Сла́ва Тебе́, Бо́же наш, сла́ва Тебе́.

Се предотверзеса покаяния дверь боголюбцы, приидите́ убо, потщимся
внити́ тою, прежде́ даже не заключит сию́ Христос, яко́ недостойным нам.

Припев: Сла́ва Тебе́, Бо́же наш, сла́ва Тебе́.

Весну́ возвещающая приближися сия́, ныне́ предочистительная седмица
всечестная, священных постов, телеса́ и души́ всех просвещающая.

Сла́ва Отцу́, и Сыну, и Святому́ Духу, и ныне, и присно, и во веки веков.
Ами́нь.

Катавасия

Ирмос, глас 1: Песнь победную поим вси́ Бо́гу, сотворшему
дивная чудеса́ мышцею высокою, и спасшему Израиля, яко́
просла́вился.

Песнь 3

Канон Сретения. Глас 3.

Ирмос, глас 3: Утверждение на Тя надеющихся,/ утверди́,
Господи, Цёрковь,/ Ю́же стяжал еси́// честно́ю Твое́ю
Крóвию.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Припев: Сла́ва Тебе́, Бо́же на́ш, сла́ва Тебе́.

Перворождён из Отца́ прэжде век,/ Перворождён Младёнец из Дёвы не-
тлённыя,/ Ада́му ру́ку простира́я, яви́ся.

Припев: Сла́ва Тебе́, Бо́же на́ш, сла́ва Тебе́.

Младоумна б́ывша прёлестию первозданнаго/ па́ки исправля́яй Бог
Сло́во, младёнствовав, яви́ся.

Припев: Сла́ва Тебе́, Бо́же на́ш, сла́ва Тебе́.

Земли́ исча́дие, па́ки потékшее в ню,/ Божества́ сообразное естество́ Зи-
ждитель/ я́ко непрелóжне, младёнствовав, яви́.

Кано́н пра́веднаго Симеона́ Богоприи́мца. Глас 4.

Припев: Святы́й пра́ведный Симеоне́, моли́ Бо́га о на́с.

Возвы́сился дея́ними священными, Богоглаго́ливе,/ я́ко светови́ден
столп вы́сок, Всесвято́му Ду́ху был еси́, утвержда́яся я́ве,/ те́мже восхва-
ля́ем тя.

Припев: Святы́й пра́ведный Симеоне́, моли́ Бо́га о на́с.

Зако́ну Го́спода, развёрзшаго ложесна́ Дев́ича,/ и Младёнца, плотно́сна,
Симеоне́, б́ывша, ви́дел еси́,/ да́рующаго всем избавле́ние.

Сла́ва Отцу́, и Сы́ну, и Свято́му Ду́ху, и ны́не, и пр́сно, и во ве́ки веко́в.
Ами́нь.

Катавасия

Ирмос, глас 4: Я́ко непло́ды, роди́ от язы́к Це́рковь,/ и
мно́гое в ча́дех изнемо́же со́нмище,/ чу́дному Бо́гу на́шему
возопи́м:// Свят еси́, Го́споди.

Малая ектения

Диакон: Па́ки и па́ки ми́ром Го́споду помо́лимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твоёю благода́тию.

Лик: Го́споди, поми́луй.

Диакон: Пресвяту́ю, Пречи́стую, Преблагословенну́ю, Сла́вную Влады́чицу на-
шу Богоро́дицу и Присноде́ву Мари́ю, со все́ми святы́ми помяну́вше, са́ми себе́
и друг дру́га, и весь живо́т наш Христу́ Бо́гу преда́дим.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Лик: Тебѣ, Господи.

Священник: Яко Ты еси Бог наш, и Тебѣ славу воссылаем, Отцу и Сыну, и Святому Духу, ныне и присно, и во веки веков.

Лик: Аминь.

Кондаки

Кондак праведнаго Симеона Богоприимца

Глас 4: Старец днесь отрешитися от юз моляшеся/ сего жития тленного,/ Христа воспрят на руки,/ Зиждителя и Господа.

Седальны

Отверзошася божественнаго покаяния преддверия:/ приступим усердно,/ очистивше телеса,/ брашен и страстей отложения творяще,/ яко послушницы Христа,/ призвавшаго мир в Царствие Небесное,/ десятины всего лета приносяще всех Царю,/ яко да и воскресение Его любовью узрим.

Слава Отцу, и Сыну, и Святому Духу, и ныне, и присно, и во веки веков. Аминь.

От Девы Ты воплощенна, Христе, радуяся, подъят священный Симеон,— ныне отпускаеши,— вопия,— раба Твоего, Владыко./ Анна же непорочная, пророчица и славная,/ ныне исповедание и пение приносит Тебе./ Мы же, Жизнодавче, вопием Ти:/ слава тако благоволившему.

Песнь 4

Канон Сретения. Глас 3.

Ирмос, глас 3: Покрыла есть Небеса добродетель Твоя, Христе:/ из кивота бо прошед святыни, Твоея нетленные Матере,/ в храме славы Твоея явился еси,/ яко Младенец руконосим,/ и исполнишася вся Твоего хваления.

Припев: Слава Тебе, Боже наш, слава Тебе.

Радуяся, Симеоне, неизреченных тайнниче, Богородица вопияше,/ о Нем же от Святаго древле известися тебе Духа,/ младенствовавшего Слова Христа на руки прими, зовый Ему:/ исполнишася вся Твоего хваления.

Припев: Слава Тебе, Боже наш, слава Тебе.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

На Негоже уповал еси, Симеоне, возраст детищный, / радуясь, подыми
Христа, Израиля Божественного утешение, / закона Творца и Владыку, ис-
полняющего закона чин, зовый Ему: / исполнишася вся Твоего хваления.

Припев: Слава Тебе, Боже наш, слава Тебе.

Видя Симеон Слово Безначальное, с плотию, яко на престоле Херувим-
стем, Девую носимо, / виновного еже быти всяческих, яко Младенцу дивя-
ся, вопияше Ему: / исполнишася вся Твоего хваления.

Канон праведного Симеона Богоприимца. Глас 4

Припев: Святыи праведный Симеоне, моли Бога о нас.

Престарелся еси в старости, / верою же обновился еси, / нова Младенца
хотя видети, Симеоне, всесовершенного, / обновляюща мир обетшавший
прилогом ветхаго борца.

Припев: Святыи праведный Симеоне, моли Бога о нас.

Ублажим согласно Симеона блаженного, / яко сподобльшася видети Бога
Блаженного, в плоть облкшася, / яко да сотворит блаженны, окаянны
прежде бывшия.

Слава Отцу, и Сыну, и Святому Духу, и ныне, и присно, и во веки веков.
Аминь.

Песнь 5

Канон Сретения. Глас 3.

Ирмос, глас 3: Яко виде Исаия образно на престоле перевоз-
несена Бога, / от Ангел славы дориносима, / о, окаянный, –
вопияше, – аз: / провидех бо воплощаема Бога, // Света Неве-
черня и миром владычествующа.

Припев: Слава Тебе, Боже наш, слава Тебе.

Разумев Божественный старец проявленную древле пророку славу, / ру-
ками Слово зря Матерними держимо, / о, радуйся, – вопияше, – Чистая! / яко
престол, бо держиши Бога, / Света Невечерняго и миром владычествую-
ща.

Припев: Слава Тебе, Боже наш, слава Тебе.

Поклонься старец, / и стопам Божественне прикоснүвся неискусобрачныя
и Богоматере, / Огнь, – рече, – носиши, Чистая: / Младенца боюся объяти
Бога, / Света Невечерняго и миром владычествующа.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Припев: Сла́ва Тебе́, Бо́же на́ш, сла́ва Тебе́.

Очища́ется Иса́ия, от Серафи́ма уго́ль прие́м,/ ста́рец вопи́яше Богома́те-
ри,/ Ты, я́коже клещáми, рука́ми просвещáеши мя, пода́вши, Егóже но́си-
ши,/ Свѣта Невечѣрняго и мѣром влады́чествующа.

Канон прáведнаго Симеона Богоприимца. Глас 4

Припев: Святы́й прáведный Симеоне́, моли́ Бо́га о на́с.

Ума́ чистото́ю Бо́гу Вседержителю́, я́ко А́нгел послужив, блаже́нне,/ кро́в-
ными же́ртвами очисти́л еси́ дрéвля лю́ди Изра́илевы,/ кровь спаси́тель-
ную предзна́менов я́сно.

Припев: Святы́й прáведный Симеоне́, моли́ Бо́га о на́с.

Самого́ себе́ сотвори́л еси́ храм Бо́гу всесвя́т/ де́лы Божéственными, Бо-
гоглаго́ливе./ Тѣмже я́ко Младенца́ во святем хра́ме ви́дел еси́ Бо́га с
плóтию,/ тя преста́вляюща к Божéственным селéнием.

Сла́ва Отцú, и Сы́ну, и Свято́му Ду́ху, и ны́не, и прѣсно, и во ве́ки веко́в.
Ами́нь.

Песнь 6

Канон Срѣтения. Глас 3.

Ирмос, глас 3: Возопи́ к Тебе́, ви́дев ста́рец очима́ спа-
сѣние,/ е́же лю́дем прииде́ от Бо́га:// Христé, Ты Бог мой.

Припев: Сла́ва Тебе́, Бо́же на́ш, сла́ва Тебе́.

Си́ону Ты ка́мень возложи́лся еси́,/ непокоривым преты́кание и собла́зна
ка́мень,/ неруши́мое ве́рных спасѣние.

Припев: Сла́ва Тебе́, Бо́же на́ш, сла́ва Тебе́.

Извѣстие нося́ начертáние/ И́же прѣжде век Ты израсти́вшаго,/ земных за
милосѣрдие ны́не нѣмощию обложис́я.

Припев: Сла́ва Тебе́, Бо́же на́ш, сла́ва Тебе́.

Сы́ну Вы́шняго,/ Сы́ну Дѣвы,/ Бо́гу, Отрочáти бывшему́,/ поклóньшася Те-
бе́ ны́не отпусти́ с мѣром.

Канон прáведнаго Симеона Богоприимца. Глас 4

Припев: Святы́й прáведный Симеоне́, моли́ Бо́га о на́с.

Возопи́л еси́, внегда́ ви́дел еси́ Гóспода, Симеоне́,/ я́ко обеща́лся еси́:
ны́не раба́ Твоего́, Спа́се, отпусти́,/ во áде сущим всем Твое́ Божéствен-
ное возвещáюща вопло́щение.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Припев: Святы́й пра́ведный Симео́не, моли́ Бо́га о нас.

Украси́лся еси́ и Моисе́я светле́йший был еси́,/ на ру́ки добро́тою Кра́сна-
го при́йм, Симео́не ста́рче,/ нас ра́ди по нам Младенца́ бы́вша.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в.
Ами́нь.

Катавасия

Ирмос, глас 4: Возопи́, прообразу́я погребёние триднёвное,/ проро́к Ио́на, в ките моля́ся:/ от тли изба́ви мя,// Иису́се, Ца-
рю́ сил.

Малая ектения

Диакон: Па́ки и па́ки ми́ром Го́споду помо́лимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твоею́ благода́тию.

Лик: Го́споди, поми́луй.

Диакон: Пресвяту́ю, Пречи́стую, Преблагословенну́ю, Сла́вную Влады́чицу на-
шу Богоро́дицу и Присноде́ву Марию́, со все́ми святы́ми помяну́вше, са́ми себе́
и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Ты бо еси́ Царь ми́ра, и Спас душ на́ших, и Тебе́ сла́ву возсы-
ла́ем, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

Лик: Ами́нь.

Кондак

Конда́к Сре́тения, глас 1

Утробу́ Девы́чу освяты́вый Рожде́ством Твои́м/ и ру́це Симео́не благосло-
ви́вый,/ я́коже подоба́ше, предвари́в,/ и ны́не спасл еси́ нас, Христе́ Бо́же,/ но
умири́ во бранех жи́тельство/ и укрепи́ лю́ди, ихже возлюбил еси́,
Еди́не Человеколю́бче.

Икос: К Богоро́дице притеце́м, хотя́щия Сы́на Ея́ ви́дети, к Симео́ну но-
си́ма,/ Его́же с Небесе́ Безплотнии ви́дяще, дивля́хуся, глаго́люще:/ чу́д-
ная зрим ны́не и пресла́вная, непостижи́мая, несказанная!/ И́же бо Ада́ма

16 февраля 2026. Попразд. Сретения Господня. Правв. Симеона Богоприимца
и Анны Пророчицы

созда́вый но́сится́ яко́ Младене́ц,/ Невмести́мый вмеща́ется на рука́х ста́р-
чих,/ Ёже в не́дрех неопи́санных Сый Отца́ Своего́/ волею опи́суетса
плоти́ю, а не Божество́м,/ Еди́н Человеколю́бец.

Песнь 7

Кано́н Сре́тения. Глас 3.

Ирмос, глас 3: Тебе́ во огни́ ороси́вшаго/ о́троки Бого-
сло́вившия,/ и в Де́ву нетле́нну все́льшагося/ Бо́га Сло́ва
пои́м,/ благоче́стно пою́ще:// благослове́н Бог оте́ц на́ших.

Припев: Сла́ва Тебе́, Бо́же на́ш, сла́ва Тебе́.

Ада́му извести́ти хотя́й иду́, во а́де живу́щу,/ и Ё́ве принести́ благове́стие,
Симео́н вопия́ше, со проро́ки лику́я:/ благослове́н Бог оте́ц на́ших.

Припев: Сла́ва Тебе́, Бо́же на́ш, сла́ва Тебе́.

Ро́да зе́мна избавля́яй Бог да́же до а́да при́дет,/ плённы́м же пода́ст всем
оставле́ние и прозре́ние слепы́м, яко́ и немы́м вопи́ти:/ благослове́н Бог
оте́ц на́ших.

Припев: Сла́ва Тебе́, Бо́же на́ш, сла́ва Тебе́.

И Твое́ се́рдце нетле́нная ору́жие про́йдет, Симео́н Богоро́дице провозгла-
си́,/ на Кресте́ зря́щи Твоего́ Сы́на,/ Ему́же вопие́м:/ благослове́н Бог оте́ц
на́ших.

Кано́н пра́веднаго Симео́на Богопри́имца. Глас 4

Припев: Святы́й пра́ведный Симео́не, моли́ Бо́га о на́с.

Зако́нно Го́споду Вседержи́телю ты послужи́л еси́,/ пра́веден яко́ и́стинно
и в зако́не непоро́чен, блаже́нне, быв,/ те́мже поёши: препе́тый отце́в
Госпо́дь и Бог, благослове́н еси́.

Припев: Святы́й пра́ведный Симео́не, моли́ Бо́га о на́с.

Ра́дость скорбя́щих при́де,/ избавле́ние Изра́илю вои́стинну яви́ся, яко́
Младене́ц в хра́ме своём,/ отпусти́ мя к жи́зни бу́дущей, Симео́н вопия́ше,
ра́дуясь.

Сла́ва Отцу́, и Сы́ну, и Свято́му Ду́ху, и ны́не, и при́сно, и во ве́ки веко́в.
Ами́нь.

Песнь 8

Кано́н Сре́тения. Глас 3.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Ирмос, глас 3: Нестерпимому огню соединившемуся,/ Божества предстояще, юноши,/ пламенем же невреждени,/ Божественную песнь пояху:/ благословите, вся дела Господня, Господа// и превозносите во вся веки.

Припев: Слава Тебе, Боже наш, слава Тебе.

Людие Израилевы, Твою славу Еммануила зряще Отроча из Девы,/ пред лицем Божественного ковчега ныне ликуйте:/ благословите, вся дела Господня, Господа/ и превозносите во вся веки.

Канон праведнаго Симеона Богоприимца. Глас 4

Припев: Святый праведный Симеоне, моли Бога о нас.

Овдовевший мир Божественныя славы пришедшаго невестоукрасити Пребожественнаго,/ вдова сущи, Анна всехвальная,/ и пророчества благодатию облистаемая, прослави Его/ и будущее всем предстоящим покажет Божественное избавление.

Трипеснец в понедельник сырной седмицы. Глас 1.

Припев: Слава Тебе, Боже наш, слава Тебе.

Житие мое все блудно иждив, гражданином работах горьким и лукавым: но желаяща мя к Твоим щедротам ныне обратится Христе, не презри.

Припев: Слава Тебе, Боже наш, слава Тебе.

Образ жития моего срамный, и лютый: милость безмерная, Человеколюбче Спасе, Твоего благоутробия, покаяния время даждь ми просящу, и любовь Тя поющу.

Ин трипеснец в понедельник сырной седмицы. Глас 1.

Припев: Слава Тебе, Боже наш, слава Тебе.

Сие время есть покаяния, темже благоумно начнем братие, вопиюще: благословите дела Господня Господа.

Припев: Слава Тебе, Боже наш, слава Тебе.

Днесь брашен отрешися, потщимся делом и прегрешений достойно каятися: благословите дела Господня Господа.

Благословим Отца и Сына и Святаго Духа, Господа, и ныне, и присно, и во веки веков. Аминь.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Припев: Хва́лим, благослов́им, покланя́емся Го́сподеви, по-
ю́ще и превозно́сяще во вся ве́ки.

Катавасия

Ирмос, глас 1: Пёснь Тебе́ прино́сим безплóтных,/ я́коже
о́троцы в пещи́, и пою́ще глаго́лем:// благослови́те вся дела́
Госпо́дня Го́спода.

Диакон: Богоро́дицу и Ма́терь Све́та в пёснях возвели́чим.

Песнь Пресвятыя Богородицы

Лик: Вели́чит душа́ Моя́ Го́спода, и возра́довася дух Мой о
Бо́же Спа́се Моём.

Припев: Честне́йшую Херув́им и сла́внейшую без сравне́ния
Сераф́им, без ислéния Бо́га Сло́ва ро́ждшую, су́щую
Богоро́дицу, Тя велича́ем.

Я́ко призре́ на смире́ние Рабы́ Своея́, се бо от ны́не ублажа́т
Мя вси ро́ди.

Припев: Честне́йшую Херув́им и сла́внейшую без сравне́ния Сераф́им,
без ислéния Бо́га Сло́ва ро́ждшую, су́щую Богоро́дицу, Тя велича́ем.

Я́ко сотвори́ Мне вели́чие Си́льный, и свя́то и́мя Его́, и
ми́лость Его́ в ро́ды родо́в боя́щимся Его́.

Припев: Честне́йшую Херув́им и сла́внейшую без сравне́ния Сераф́им,
без ислéния Бо́га Сло́ва ро́ждшую, су́щую Богоро́дицу, Тя велича́ем.

Сотвори́ держа́ву ми́шцею Своёю, расточи́ го́рдья ми́слию
се́рдца их.

Припев: Честне́йшую Херув́им и сла́внейшую без сравне́ния Сераф́им,
без ислéния Бо́га Сло́ва ро́ждшую, су́щую Богоро́дицу, Тя велича́ем.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Низложі сільныя со престол, и вознесё смиренныя; алчущия исполни благ, и богатящихся отпусти тщи.

Припев: Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Восприят Израиля отрока Своего, помянути милости, якоже глагола ко отцем нашим, Аврааму и семени его даже до века.

Припев: Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Песнь 9

Канон Сретения. Глас 3.

Ирмос, глас 3: В законе сени и писаний/ образ видим, вернии,/ всяк мужеский пол, ложесна разверзая, свят Богу./ Тем Первороденное Слово, Отца Безначальна/ Сына, Первородящая Материю неискусомужно,/ величаем.

Припев: Слава Тебе, Боже наш, слава Тебе.

Иже древним новорожденных горлицих супруг двоица же быше птенцев,/ в нихже место Божественный старец и целомудренная Анна пророчица/ от Девы рожденному и Сыну Единородному Отцу,/ в церковь приношиму, служат, величающе.

Канон праведнаго Симеона Богоприимца. Глас 4

Припев: Святыи праведный Симеоне, моли Бога о нас.

Честны рuce твои, воистинну прикоснувшись, Богоприимче,/ Божественным удесем, прикасающагося горам, якоже поет Давид, и дымятся:/ блажен воистинну ты был еси./ Темже достойно восхваляем тя.

Трипеснец в понедельник сырной седмицы. Глас 1.

Припев: Слава Тебе, Боже наш, слава Тебе.

Мирным постоянством, чистою любовью священнейшее время святого поста воспримем вернии, просяще оставления, ихже кийждо согреши: яко да тамошнюю улучим радость.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Припев: Сла́ва Тебе́, Бо́же на́ш, сла́ва Тебе́.

Се́ вре́мя пока́ния, предпра́зднственны́й се́й постóв вхо́д: воста́ни душе́
моя́, Благоде́телю и Бо́гу те́пле примі́рися, যাко да суда́ избе́гнеши о́наго
пра́веднаго и стра́шнаго воістинну.

Ин трипéснец в понеде́льник сы́рной седми́цы. Глас 1.

Припев: Сла́ва Тебе́, Бо́же на́ш, сла́ва Тебе́.

Введе́ся вре́мя душе́ моя́ пока́ния, не небрезі́: а́лчущим да́ждь хлѣб, мо-
ли́ся Го́сподеви на вся́кий де́нь, и но́щь, и ча́с, да спасе́т тя́.

Припев: Сла́ва Тебе́, Бо́же на́ш, сла́ва Тебе́.

Мя́с, и про́чих бра́шен যাкоже удалéние сотвори́хом, та́ко и вся́кия вражды́
к бли́жним вку́пе, блуда́ же и лжі́, и вся́кия зло́бы убежи́м.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в.
Ами́нь.

Катавасия

Ирмос, глас 1: Тебе́ ви́денную двéрь Иезеки́илем про-
ро́ком,/ ё́уже никто́же про́йде, то́кмо Бо́г еди́н,// Богоро́дице
Де́во, пе́снями почита́ем.

Малая ектения

Диакон: Па́ки и па́ки ми́ром Го́споду помо́лимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Диакон: Пресвяту́ю, Пречи́стую, Преблагословенную, Сла́вную Влады́чицу на-
шу Богоро́дицу и Присноде́ву Мари́ю, со все́ми святы́ми помяну́вше, са́ми себе́
и друг дру́га, и весь живо́т наш Христу́ Бо́гу предади́м.

Лик: Тебе́, Го́споди.

Священник: Я́ко Тя хва́лят вся Сі́лы Небе́сныя, и Тебе́ сла́ву возсыла́ем, От-
цу́, и Сы́ну, и Свято́му Ду́ху, ны́не и прісно, и во ве́ки веко́в.

Лик: Ами́нь.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Светильны

Чтец: Непременне по Ипостáси в Тебé, Богородительнице,/ плóтию соединися безсéменно/ и младéнствова Слово, Егóже на руках носящи, Херувимски, яко престóл,/ ныне Бóгу Отцú принеслá еси,/ и Симеон старец, радуясь, прият Тогó.

Слáва Отцú, и Сыну, и Свято́му Дúху, и ныне, и прísно, и во вéки веков. Амíнь.

Дúхом во святíлици предстáв,/ старец на рúки восприят за́кона Влады́ку, вопия:/ ныне соúз мя плотскíх разреши, якоже рекл еси, с миром:/ видех бо очíма откровéние языков и Израíлю спасéние.

Хвалитны

Псалом 148

Чтец: Хвалите Гóспода с Небéс. Тебé подобáет песнь Бóгу. Хвалите Гóспода с Небéс, хвалите Егó в вы́шних. Тебé подобáет песнь Бóгу. Хвалите Егó, вси Ангели Егó, хвалите Егó, вся Сíлы Егó. Тебé подобáет песнь Бóгу. Хвалите Егó, солнце и луна́, хвалите Егó, вся звéзды и свет. Хвалите Егó, небесá небéс, и вода, яже превы́ше небéс, да восхва́лят íмя Господне. Яко Той рече́, и бы́ша, Той повеле́, и создáшася. Поста́ви я в век и в век вéка, повелéние положи́, и не мíмо íдет. Хвалите Гóспода от землí, змíеве и вся бéздны, огонь, град, снег, гóлоть, дух бóрен, творя́щая слово Егó, гóры и вси хóлми, дрéвá плодоно́сна и вси кéдри, звéрие и вси скóти, га́ди и птíцы перна́ты, ца́рие зéмстии и вси лю́дие, князи и вси судии́ зéмстии, юноши и дéвы, старцы́ с юнотами да восхва́лят íмя Господне, яко вознесéся íмя Тогó Едíнаго. Исповéдание Егó на землí и на Небесí, и вознесёт рог люде́й Свои́х. Песнь всем преподóбным Егó, сыновóм Израíлевым, лю́дем, приближа́ющимся Емú.

Псалом 149

Воспойте Гóсподеви песнь но́ву, хвалéние Егó в цéркви преподóбных. Да возвеселíтся Израíль о сотворшeм егó, и сынове Сиóни возра́дуются о Царé своём. Да восхва́лят íмя Егó в лице́, в тимпа́не и псалти́ри да пою́т Емú. Яко благово́лит Господь в лю́дех Свои́х и вознесёт крóткия во спасéние. Восхва́лятся преподóбнии во слáве и возра́дуются на лóжах свои́х. Возношéния Бóжия в гортáни их, и мечи́ обою́ду остры́ в руках их: сотвори́ти отмщéние во язы́цах, обличéния в лю́дех, связáти ца́ри их пúты, и сла́вныя их ручны́ми окóвы желéзными.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

На 6: Сотвори́ти в них суд напи́сан, сла́ва сия́ бу́дет всем преподо́бным
Его.

Хвалі́те Бо́га во святы́х Его́, хвалі́те Его́ во утвер́жении си́лы Его́.

Канонарх: На 4: Хвалі́те Его́ на силах Его́.

Лик: хвалі́те Его́ по мно́жеству вели́чества Его́.

попразднства Сретения Господня на 4, глас 6

Восприимі́, рече́, Симеоне́, Зижді́теля вся́ческих рука́ми:/ о
ста́рче, подымі́ Христа́,/ Его́же Де́ва Отрокови́ца роди́ без
се́мене// на ра́дость ро́ду на́шему.

Канонарх: Хвалі́те Его́ во гла́се тру́бнем.

Лик: хвалі́те Его́ во псалти́ри и гу́слех.

Восприимі́, рече́, Симеоне́, Зижді́теля вся́ческих рука́ми:/ о
ста́рче, подымі́ Христа́,/ Его́же Де́ва Отрокови́ца роди́ без
се́мене// на ра́дость ро́ду на́шему.

Канонарх: Хвалі́те Его́ в тимпа́не и ли́це.

Лик: хвалі́те Его́ во стру́нах и орга́не.

Зако́ну Творца́ и Бо́га,/ Его́же трепещу́т А́нгельская
мно́жества,/ соше́дшеся, воспо́йм, лю́дие, Еди́наго
Благоде́теля и зако́ну Законода́теля// во спасе́ние душ
на́ших.

Канонарх: Хвалі́те Его́ в кимва́лех доброгласных, хвалі́те Его́ в кимва́лех
воскли́цания.

Лик: Вся́кое дыха́ние да хва́лит Го́спода.

Ны́не отпу́щаеши, Влады́ко, раба́ Твоего́,/ я́коже рекл еси́, с
ми́ром,/ я́ко ви́дех Тя, Христе́, Све́та Первове́чнаго,/ соу́з мя
плотскі́х,// во открове́ние язы́ков и Изра́илю.

Канонарх: Слава и ныне, глас 2. Сла́ва Отцу́, и Сы́ну, и Свято́му Ду́ху.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Лик: И ныне, и присно, и во веки веков. Аминь.

Священнаго Священная Дева принесё во святилище свя-
тителю,/ простёр же рúце, Симеон прият Сего, радуясь,/ и
возопí: ныне отпускаеши раба Твоего, Владыко,// по гла-
голу Твоему, с миром, Господи.

Чтец: Слава Тебе, Показавшему нам свет.

Славословие всedневное

Слава в вышних Богу, и на земли мир, в человецех благоволение.
Хвалим Тя, благословим Тя, кланяем Ти ся, славословим Тя, благодарим
Тя, великия ради славы Твоея. Господи Царю Небесный, Боже Отче Все-
держителю, Господи, Сыне Единородный, Иисусе Христе, и Святыи Душе.
Господи Боже, Агнче Божий, Сыне Отець, вземляй грех мира, помилуй
нас; вземляй грехи мира, прими молитву нашу; седяи одесную Отца, по-
милуй нас. Яко Ты еси един Свят, Ты еси един Господь, Иисус Христос, в
славу Бога Отца, Аминь.

На всяк день благословлю Тя и восхвалю имя Твое во веки и в век века.

Господи, Прибежище был еси нам в род и род. Аз рех: Господи, помилуй
мя, исцели душу мою, яко согреших Тебе. Господи, к Тебе прибегах, научи
мя творити волю Твою, яко Ты еси Бог мой; яко у Тебе источник живота,
во свете Твоем узрим свет. Пробави милость Твою ведущим Тя.

Таже: Сподоби, Господи, в день сей без греха сохранитися нам. Благосло-
вен еси, Господи Боже отец наших, и хвально и прославлено имя Твое во
веки. Аминь.

Буди, Господи, милость Твоя на нас, якоже уповахом на Тя. Благословен
еси, Господи, научи мя оправданием Твоим. Благословен еси, Владыко,
вразуми мя оправданием Твоим. Благословен еси, Святыи, просвети мя
оправдании Твоими.

Господи, милость Твоя во век, дел руку Твоею не презри. Тебе подобает
хвала, Тебе подобает пение, Тебе слава подобает, Отцу и Сыну и Святому
Духу, ныне и присно и во веки веков. Аминь.

Ектения просительная

Диакон: Исполним утреннюю молитву нашу Господеви.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Лик: Гóсподи, помíлуй.

Диакон: Заступí, спасí, помíлуй и сохрани нас, Бóже, Твоею благодáтию.

Лик: Гóсподи, помíлуй.

Диакон: Дне всегó совершенна, свята, мирна и безгрéшна у Гóспода прóсим.

Лик: Подáй, Гóсподи. (*на каждое прошение*)

Диакон: Пресвятую, Пречистую, Преблагословенную, Славную Владычицу
нашу Богородицу и Приснодеву Марию со всеми святыми помянувши, сами се-
бе и друг друга, и весь живот наш Христу Богу предадим.

Лик: Тебé, Гóсподи.

Священник: Яко Бог милости и щедрот и человеколюбия еси, и Тебе славу
возсылаем, Отцу и Сыну и Святому Духу, ныне и присно и во веки веков.

Лик: Амíнь.

Священник: Мир всем.

Лик: И дýхови твоему.

Диакон: Главы наша Господеви приклоним.

Лик: Тебé, Гóсподи.

Священник: Твое бо есть, еже миловати и спасати ны, Бóже наш, и Тебе
славу возсылаем, Отцу и Сыну и Святому Духу, ныне и присно и во веки веков.

Лик: Амíнь.

Стихиры на стиховне

попразднства Богоявления на 3

Канонарх: Глас 3. На всякое время пост полезен есть.

На всякое время пост полезен есть, / изволяющим и творя-
щим и:/ ниже бо искушение демонское дерзает на постяща-
гося:/ но и хранители жизни нашей Ангели,/ люботруднейше
с нами пребывают, // постом очистившимися.

Стих: Исполнимся завтра милости Твоей Господи, и возрадовахомся,
и возвеселихомся, во вся дни наша возвеселихомся, за дни, в няже сми-

16 февраля 2026. Попразд. Сретения Господня. Правв. Симеона Богоприимца
и Анны Пророчицы

ри́л ны́ еси́, ле́та, в ня́же ви́дохом зля́я. И при́зри на рабы́ Твоя́, и на дела́
Твоя́. /

и наста́ви сы́ны их.

На вся́кое вре́мя по́ст полéзен е́сть, / изволя́ющим и творя́-
щим и:/ ниже́ бо искуше́ние де́монское дерза́ет на постя́ща-
гося:/ но и храните́ли жи́зни на́шей А́нгели,/ люботру́днейше
с на́ми пребыва́ют, // постом́ очи́стившимися.

Стих: И бу́ди све́тлость Го́спода Бо́га на́шего на нас, и дела́ ру́к на́ших
испра́ви на нас. /

и де́ло ру́к на́ших испра́ви.

Святы́х страстоте́рпцев па́мять,/ прииди́те лю́дие вси́ по-
чти́м:/ зане́ позор б́ывше А́нгелом и челове́ком,/ победны́я
венцы́ от Христа́ прия́ша,/ и мо́лятся о душа́х на́ших.

Слава и ныне, глас 8. Сла́ва Отцу́, и Сы́ну, и Свято́му Ду́ху.

И ны́не, и при́сно, и во ве́ки веко́в. Ами́нь.

Свяще́ннаго Свяще́нная Де́ва принесе́ во святи́лице свя-
ти́телю,/ просте́р же ру́це, Симеон прия́т Сего́, ра́дуясь,/ и
возопи́: ны́не отпу́щаеши раба́ Твоего́, Влады́ко, // по гла-
го́лу Твоему́, с ми́ром, Го́споди.

Чтец: Бла́го есть испове́даться Го́сподеви, и пе́ти Имени Твоему́, Вы́ш-
ний: возвеща́ти за́втра ми́лость Твою́, и и́стину Твою́ на вся́ку но́щь.

Святы́й Бо́же, Святы́й Кре́пкий, Святы́й Безсме́ртный, поми́луй нас **(три-
жды)**.

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в.
Ами́нь.

Пресвята́я Тро́ице, поми́луй нас; Го́споди, очисти́ грехи́ на́ша; Влады́ко,
прости́ беззако́ния на́ша; Святы́й, посети́ и исцели́ немо́щи на́ша, и́мене
Твоего́ ра́ди.

Го́споди, поми́луй **(трижды)**.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в.
Ами́нь.

Отче наш, Иже еси́ на Небесѣх! Да святѣтся ѡмя Твое́, да приѣдет Цѣр-
ствие Твое́, да бу́дет во́ля Твоя́, ꙗко на Небесѣх, и на землѣх. Хлеб наш на-
су́щный даждь нам днесь; и оста́ви нам до́лги на́ша, ꙗкоже и мы остав-
ляем должнико́м на́шим; и не введѣ нас во искуше́ние, но изба́ви нас от
лука́ваго.

Священник: Яко Твое́ есть Цѣрство и сіла, и сла́ва, Отца́, и Сы́на, и Свята́го
Ду́ха, ны́не и прісно, и во ве́ки веко́в. Ами́нь.

Лик: Ами́нь.

Тропари в конец Утрени

Тропа́рь Сре́тения, глас 1

Ра́дуйся, Благода́тная Богоро́дице Де́во,/ из Тебе́ бо возсия́
Со́лнце Пра́вды, Христос, Бог наш,/ просвещая́я сущія во
тьме./ Весели́ся и ты, ста́рче пра́ведный,/ прие́мый во
объя́тия Свободи́теля душ на́ших,// да́рующаго нам
воскресе́ние.

Сугубая ектения

Диакон: Помілуй нас, Бо́же, по вели́цей мілости Твое́й, мо́лим Ти ся, услы́ши
и помілуй.

Лик: Го́споди, помілуй (*трижды*).

Диакон: Ещѣ мо́лимся о Вели́ком Госпо́дине и Отце́ на́шем Святе́йшем Патри-
а́рхе Кири́лле, и всей во Христѣ бра́тии на́шей.

Лик: Го́споди, помілуй (*трижды*). (*на каждое прошение*)

Священник: Яко Мѣлостив и Человеколю́бец Бог еси́, и Тебе́ сла́ву возсы-
ла́ем, Отцу́ и Сы́ну и Свято́му Ду́ху, ны́не и прісно и во ве́ки веко́в.

Лик: Ами́нь.

Диакон: Прему́дрость.

Лик: Благосло́ві.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Священник: Сый благословѣн Христос, Бог наш, всегда, ныне и присно, и во веки веков.

Лик: Аминь. Утверди, Боже, святую православную веру,
православных христиан во век века.

1-й час

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 5

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуяй, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и лстыва гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишися в них, и похвалятся о Тебе любящим имя Твое. Яко Ты благословиши праведника, Господи: яко оружием благоволения венчал еси нас.

Псалом 89

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечества. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничжения их лета будут. Утро яко трава мимоидет, утро процветет и прейдет: на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьмдесят лет, аще же

16 февраля 2026. Попразд. Сретения Господня. Правв. Симеона Богоприимца
и Анны Пророчицы

в силах, осьмьдесят лет, и множае их труд и болѣзнь: яко прииде крѣтость на ны, и накажемся. Кто вестъ державу гнѣва Твоего, и от страха Твоего, ярость Твою исчесті? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди свѣтлость Господа Бога нашего на нас, и дела рук наших исправи на нас, и дело рук наших исправи.

Псалом 100

Милость и суд воспою Тебѣ, Господи. Пою и разумѣю в пути непорочно, когда приидеши ко мне? Прехождях в незлобии сердца моего посреде дому моего. Не предлагал пред очима моима вещь законопреступную: творящая преступление возненавидел. Не прильпѣ мне сердце строптиво, уклоняющагося от мене лукаваго не познах. Оклеветавшаго тай искренняго своего, сего изгонял: гордым оком, и несытым сердцем, с сим не ядях. Очи мои на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивал вся грешныя земли, еже потребити от града Господня вся делающыя беззаконие.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебѣ Боже. (Трижды)

Господи, помилуй. (Трижды)

Слава Отцу, и Сыну, и Святому Духу.

Тропарь Сретеня, глас 1

Радуйся, Благодатная Богородице Дѣво, / из Тебѣ бо возсия Солнце Правды, Христос, Бог наш, / просвещаяя сущия во тьме. / Веселися и ты, старче праведный, / приемый во объятия Свободителя душ наших, / дарующаго нам воскресение.

Чтец: И ныне, и присно, и во веки веков. Аминь.

Богородичен: Что Тя наречем, о Благодатная? / Небо, яко возсияла еси Солнце Правды. / Рай, яко прозябла еси цвет нетления. / Дѣву, яко пребыла еси нетленна. / Чистую Матерь, яко имела еси на святых Твоих объятиях Сына, всех Бога. / Того моли спастися душам нашим.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Стопы́ моя напра́ви по словеси́ Твоему́ / и да не облада́ет мно́ю всякое
беззакони́е.

Изба́ви мя от клеветы́ челове́ческа, / и сохрани́ю за́поведи Твоя́.

Лице́ Твое́ просвети́ на раба́ Твоего́ / и нау́чи мя оправда́нием Твои́м.

Да испо́лнятся уста́ моя хвалéния Твоего́, Го́споди, / яко да воспою́ сла́ву
Твою́, / весь день великолéпие Твое́.

Святы́й Бо́же, Святы́й Кре́пкий, Святы́й Безсме́ртный, поми́луй нас. *(Три-
жды, с крестным знаменем и поясным поклоном)*

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в.
Ами́нь.

Пресвята́я Тро́ице, поми́луй нас; Го́споди, очисти́ грехи́ на́ша; Влады́ко,
прости́ беззаконія на́ша; Святы́й, посети́ и исцели́ немо́щи на́ша, и́мене
Твоего́ ра́ди.

Го́споди, поми́луй. *(Трижды)*

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в.
Ами́нь.

О́тче наш, И́же еси́ на небесе́х! Да святі́тся и́мя Твое́, да при́дет Ца́р-
ствие Твое́, да бу́дет во́ля Твоя́, яко на небеси́ и на земли́. Хлеб наш на-
су́щный да́ждь нам днесь; и оста́ви нам до́лги на́ша, якоже и мы остав-
ляем должнико́м на́шим; и не введи́ нас во искуше́ние, но изба́ви нас от
лука́ваго.

Священник: Яко Твое́ есть Ца́рство и сила, и сла́ва Отца́ и Сы́на и Свята́го
Ду́ха, и ны́не и прісно и во ве́ки веко́в.

Чтец: Ами́нь.

Конда́к Сре́тения, глас 1

Утробу́ Деві́чу освяті́вый Рождество́м Твои́м/ и ру́це Симе́оне благосло-
ви́вый,/ якоже подоба́ше, предвари́в,/ и ны́не спасл еси́ нас, Христе́ Бо́же,/
но умири́ во бранéх жи́тельство/ и укрепи́ лю́ди, іхже возлюбил еси́,
Еди́не Человеколю́бче.

Го́споди, поми́луй **(40 раз)**.

И́же на всякое вре́мя и на всякий час, на Небеси́ и на земли́, покланя́емый
и сла́вимый, Христе́ Бо́же, Долготерпели́ве, Многоми́лостиве, Много-
благоутро́бне, И́же пра́ведныя любя́й и грешны́я ми́луй, И́же вся зовы́й
ко спасе́нию обеща́ния ра́ди бу́дущих благ. Сам, Го́споди, приими́ и на́ша
в час сей моли́твы и испра́ви живо́т наш к за́поведем Твои́м, ду́ши на́ша
освяти́, телеса́ очисти́, помышле́ния испра́ви, мы́сли очисти́ и изба́ви нас

16 февраля 2026. Попразд. Сретения Господня. Правв. Симеона Богоприимца
и Анны Пророчицы

от всякия скорби, зол и болѣзней, оградѣ нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй, (Трижды).

Слава Отцу и Сыну и Святому Духу, и ныне и присно и во веки веков. Аминь.

Честнейшую Херувим/ и славнейшую без сравнения Серафим,/ без ислѣния Бога Слова рождшую,/ сущую Богородицу, Тя величаем.

Именем Господним благослови, отче.

Священник: Боже, ущѣдри ны и благослови ны, просвети лице Твое на ны и помилуй ны.

Чтец: Аминь.

Священник: Христѣ, Свете Истинный, просвещая и освящая всякаго человека, грядущаго в мир, да знаменается на нас свет лица Твоего, да в нем узрим Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых, аминь.

Лик: глас 1: Утробу Девичу освятивый Рождеством Твоим/ и рuce Симеоне благословивый,/ якоже подобаше, предварив,/ и ныне спасл еси нас, Христѣ Боже,/ но умири во бранех жительство// и укрепил люди, ихже возлюбил еси, Единое Человеколюбче.

Священник: Слава Тебѣ, Христѣ Боже, упование наше, слава Тебѣ.

Лик: Слава Отцу и Сыну и Святому Духу, и ныне и присно и во веки веков. Аминь. Господи, помилуй, (Трижды). Благослови.

Отпуст

Иже во объятиих праведнаго Симеона носитися изволивый, нашего ради спасения, Христос Истинный Бог наш, молитвами Пречистыя Своея Матере, правв. Симеона Богоприимца и Анны Пророчицы, и всех святых, помилует и спасет нас, яко Благ и Человеколюбец.

16 февраля 2026. Попразд. Сретения Господня. Правв. Симеона Богоприимца
и Анны Пророчицы

Многолетие

Лик: Вели́каго господина и отца́ нашего Кири́лла,
Святéйшаго Патри́арха Моско́вскаго и всея́ Рýси,
богохранíмую страну́ нашу Росси́йскую,/ настоя́теля,
бра́тию и прихо́жан свята́го хра́ма сегó,/ и вся
правосла́вныя христи́аны,// Го́споди, сохрани́ их на мно́гая
ле́та.